



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 22 » январь

№ 31

Toshkent sh.

Ўзбекистон давлат хореография академиясининг Урганч филиалини ташкил этиш тўғрисида

Миллий рақс санъати соҳасида малакали мутахассислар тайёрлаш тизимини янада такомиллаштириш, Хоразмнинг қадимий рақси “Лазги”ни асраб-авайлаш, уни илмий ўрганиш, жаҳон миқёсида кенг тарғиб қилиш мақсадида Вазирлар Маҳкамаси **қарор қилади:**

1. Ўзбекистон Республикаси Маданият вазирлиги, Олий ва ўрта махсус таълим вазирлиги, Фанлар академияси ҳамда Хоразм вилояти ҳокимлигининг:

Ўзбекистон давлат хореография академиясининг давлат таълим муассасаси шаклидаги Урганч филиалини (кейинги ўринларда – Филиал) ташкил этиш;

Филиал таркибида “Лазги” ижрочилигини янада ривожлантириш бўлимини (кейинги ўринларда – “Лазги” бўлими) очиш тўғрисидаги таклифига розилик берилсин.

2. Филиал ва “Лазги” бўлимининг асосий вазифалари этиб тегишли равишда қуйидагилар белгилансин, жумладан:

а) Филиалнинг асосий вазифалари:

кадрлар тайёрлаш жараёнига соҳанинг етук ва малакали мутахассисларини жалб қилиш орқали илм-фан ва таълимнинг ўзаро интеграциясини таъминлаш;

рақс санъати бўйича юқори малакали бакалавр ва магистрларни, шунингдек, ушбу соҳада чуқур тадқиқотлар олиб бориш салоҳиятига эга илмий ва илмий-педагог кадрларни тайёрлаш;

илмий тадқиқотлар натижалари бўйича маънавий-маърифий ва илмий-оммабоп адабиётларни тайёрлаш ва нашр қилиш;

талаба ёшларни кўллаб-қувватлаш мақсадида маҳаллий ва халқаро грантларни жалб этган ҳолда уларнинг хорижда таълим олиши, илмий-ижодий ишлар олиб боришини самарали ташкил этиш, ҳамкорликдаги концерт дастурларини мунтазам асосда йўлга қўйиш;

кадрлар илмий салоҳиятини ошириш, илмий-ижодий фаолиятни янада ривожлантириш, иқтидорли талаба ёшларни ушбу йўналишга кенг жалб этиш;

соҳа мутахассисларининг хорижий турдош олий таълим муассасаларида қайта тайёрлаш ва малакасини ошириш, шунингдек, стажировка ўташларини тизимли ташкил этиш;

б) “Лазги” бўлимининг асосий вазифалари:

“Лазги” ижрочилигини янада ривожлантириш, бу борада шаклланган ижро ва ижодий мактаблар фаолиятини қўллаб-қувватлаш;

фан-таълим ва ижрочиликнинг интеграциялашувини таъминлаш;

“Лазги” ижро йўли намуналари “Олтин фонди”ни яратиш;

анъанавий “Лазги” ижро йўлини асраб-авайлаш, уни замонавий ижро услублари намуналари билан янада такомиллаштириш, рақснинг ижтимоий-тарихий илдизлари, илмий-назарий негизлари, миллий ва умумбашарий қадриятлар билан боғлиқ жиҳатларини олимлар ва ижрочи мутахассислар иштирокида чуқур ўрганиш;

“Лазги” ижро йўлини кенг тарғиб қилиш бўйича халқаро ҳамкорликни йўлга қўйиш;

“Лазги” ижро намуналарини оммавий ахборот воситалари ҳамда Интернет ахборот тармоғи орқали чет элларда кенг тарғиб қилиш.

3. Ўзбекистон давлат хореография академиясининг Урганч филиали ҳамда унинг таркибидаги “Лазги” ижрочилигини янада ривожлантириш бўлими фаолиятини ташкил этиш бўйича чора-тадбирлар дастури иловага мувофиқ тасдиқлансин.

4. Ўзбекистон Республикаси Маданият вазирлиги Хоразм вилояти ҳокимлиги билан биргаликда Филиалнинг самарали фаолият кўрсатиши учун тегишли чора-тадбирларни амалга оширсин ҳамда уч ой муддатда Филиал ҳузурида бюджетдан ташқари маблағлар ҳисобидан доимий асосда фаолият кўрсатувчи:

“Лазги”нинг яратилиш тарихи ва ривожланиш даврини қамраб олган доимий экспозиция;

“Лазги” ижро йўлида яратилган ижод намуналарининг фонотекаси;

“Лазги”га оид либослар намуналари галереяси, кўرғазмалар зали ҳамда артистик кафеси;

“Лазги” болалар ҳаваскорлик театр-студиясини ташкил этсин.

5. Белгилансинки:

Филиалда ўқув жараёни 2021/2022 ўқув йилидан бошланади;

Филиалга талабаларни бакалаврият таълим йўналишлари бўйича қабул кўрсаткичлари ҳар йили белгиланган тартибда тасдиқланадиган олий таълим муассасаларига ўқишга қабул қилиш параметрларидан келиб чиққан ҳолда шакллантирилади;

“Лазги” бўлими бошқарув ходимларининг чекланган умумий сони 10 нафар этиб белгиланади.

6. Қуйидагилар Филиални молиялаштириш манбалари этиб белгилансин:

Ўзбекистон Республикаси Давлат бюджети маблағлари;

Ўзбекистон Республикаси Инновацион ривожланиш вазирлиги томонидан ўтказиладиган танловлар натижалари бўйича ажратиладиган грантлар;

тўлов-контракт асосида талабалар ўқитишдан тушадиган маблағлар;

хўжалик фаолиятдан ва шартнома асосида кўрсатилган хизматлардан тушадиган маблағлар;

таълим хизматлари кўрсатиш, илмий-ўқув, ўқув-методик, илмий-ижодий ва ахборот-таҳлилий маҳсулотларни ишлаб чиқишдан, концерт-томоша ва бошқа фаолият турларини амалга оширишдан олинган даромадлар;

жисмоний ва юридик шахсларнинг ҳомийлик ва хайрия маблағлари;

қонун ҳужжатлари билан тақиқланмаган бошқа манбалар.

7. Хоразм вилояти ҳокимлиги Ўзбекистон Республикаси Маданият вазирлиги билан биргаликда бир ой муддатда Филиалга унинг фаолиятини самарали ташкил этиш учун Урганч шаҳридан оператив бошқарув ҳуқуқи асосида мақбул бино ажратилишини таъминласин.

8. Белгилаб қўйилсинки, ушбу қарорда назарда тутилган харажатларни молиялаштириш 2021 йилда Ўзбекистон Республикаси Маданият вазирлигига ажратиладиган маблағлар доирасида, 2022 йилдан бошлаб эса Ўзбекистон Республикаси Давлат бюджети параметрларида назарда тутилади.

9. Ўзбекистон Республикаси Маданият вазирлиги қуйидагиларни таъминлаш учун зарур чора-тадбирларни амалга оширсин:

а) 2021 йил 1 мартга қадар Филиал уставини ишлаб чиқиш ва белгиланган тартибда тасдиқлаш;

б) 2021/2022 ўқув йилидан бошлаб:

Филиалнинг илмий-педагог кадрлар таркибини олий таълим ва илмий-тадқиқот муассасаларида ҳамда Ўзбекистон Республикаси Маданият вазирлиги тизимида фаолият олиб бораётган, шу жумладан, хорижий таълим ва илмий муассасаларда малакасини ошириб келган профессор-ўқитувчилар ва илмий ходимлар, шунингдек, соҳадаги салоҳиятли амалиётчи мутахассислар қаторидан шакллантириш;

хореография ва миллий рақсинг ижодий, илмий-методик ва ижро анъаналарини пухта ўзлаштириш ва муносиб давом эттириш мақсадида Филиалга миллий рақс санъати, шу жумладан, “Лазги” ижро йўли усталарини жалб этиш;

Филиалнинг таълим йўналишларини Давлат таълим стандартлари ҳамда тегишли малака талабларига мувофиқ ишлаб чиқилган ўқув режалари, фан дастурлари ва ўқув-методик адабиётлар билан таъминлаш;

Филиални ўқув-лаборатория жиҳозлари ва компьютер техникаси билан таъминлаш, ўқув-методик жараёнларни ташкил этиш, штатлар жадвали ва харажатлар сметасини тасдиқлаш.

10. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари Б.А. Мусаев ва Ўзбекистон Республикаси маданият вазири О.А. Назарбеков зиммасига юклансин.

**Ўзбекистон Республикасининг
Бош вазири**



А. Арипов

**Ўзбекистон давлат хореография академиясининг Урганч филиали ҳамда унинг таркибидаги
“Лазги” ижрочилигини янада ривожлантириш бўлими фаолиятини ташкил этиш бўйича
ЧОРА-ТАДБИРЛАР ДАСТУРИ**

Т/р	Чора-тадбирлар	Амалга ошириш механизми	Ижро муддати	Молиялаштириш манбалари	Масъул ижрочилар
I. Ўзбекистон давлат хореография академиясининг Урганч филиали ҳамда унинг таркибидаги “Лазги” ижрочилигини янада ривожлантириш бўлими фаолиятини ташкил этиш					
1	Ўзбекистон давлат хореография академияси Урганч филиали (кейинги ўринларда – Филиал) уставини ишлаб чиқиш ҳамда белгиланган тартибда тасдиқлаш.	1. Филиал устави лойиҳасини ишлаб чиқиш. 2. Уставни белгиланган тартибда тасдиқлаш.	2021 йил март	–	Маданият вазирлиги (<i>О. Назарбеков</i>)
2	Филиални юқори малакали кадрлар билан таъминлаш.	1. Юқори малакали ва тажрибали профессор-ўқитувчи ва ходимларни ишга қабул қилиш бўйича ишчи гуруҳ тузиш. 2. Хореография санъатининг ўзига хос хусусиятларини ҳисобга олган ҳолда профессор-ўқитувчи ва ходимларнинг таркибини танлов асосида шакллантириш.	2021 йил август	–	Маданият вазирлиги (<i>О. Назарбеков</i>)
3	Филиалнинг Васийлик кенгаши таркибини тасдиқлаш, унга кадрларнинг истеъмолчилари бўлган маданият ва санъат муассасалари, вазирликлар ва идоралар, бошқа ташкилотлар вакиллари киритиш.	1. Васийлик кенгашини ташкил этиш, унинг таркибини шакллантириш. 2. Васийлик кенгашининг иш режасини ишлаб чиқиш ва фаолиятини йўлга қўйиш.	2021 йил август	–	Маданият вазирлиги (<i>О. Назарбеков</i>)
4	“Лазги” ижрочилигини янада ривожлантириш бўлимида (кейинги ўринларда – “Лазги” бўлими) фаолият олиб борадиган мутахассис ходимлар	1. Бўлимда фаолият олиб борадиган соҳанинг етук, малакали мутахассисларидан иборат ходимлар таркибини шакллантириш.	2021 йил август	–	Маданият вазирлиги (<i>О. Назарбеков</i>)

	таркибини шакллантириш ҳамда ходимларнинг лавозим йўриқномасини ишлаб чиқиш.	2. Бўлим ходимларининг фаолият йўналишлари ва функционал вазифаларини белгилаш бўйича лавозим йўриқномаларини ишлаб чиқиш ва белгиланган тартибда тасдиқлаш.			
II. Филиалда таълим дастурлари доирасида кадрлар тайёрлаш тизимини такомиллаштириш					
5	2021/2022 ўқув йили ва кейинги йиллар учун Филиалга ўқишга қабул қилиш параметрларини истиқболда ҳудудларни ривожлантириш билан боғлиқ дастурларни ҳамда рақс соҳаси бўйича мутахассисларга бўлган эҳтиёжни ҳисобга олган ҳолда ишлаб чиқиш.	1. Маданият соҳасида меҳнат ресурсларига бўлган талаб прогнозини таҳлил қилиш. 2. Таҳлил натижаси бўйича эҳтиёжни олий таълим муассасаларига квота ажратиш режасига киритиш.	2021 йил март ҳар йили апрель	–	Маданият вазирлиги (<i>О. Назарбеков</i>) Иқтисодий тараққиёт ва камбағалликни қисқартириш вазирлиги (<i>А. Ортиқов</i>), Олий ва ўрта махсус таълим вазирлиги (<i>И. Маджидов</i>)
6	Кўп асрлик рақс ижодкорлиги анъаналарини ўзлаштирган, ўзининг истеъдоди ва салоҳияти орқали уларни замон руҳи билан бойитиб, “устоз-шогирд” анъаналарига мувофиқ ёш авлодга ўргатиб келаётган таниқли рақс усталари ва хореографларни Филиал фаолиятига жалб этиш.	1. Юқори натижаларга эришган ёш ижодкорларни тарбиялаб келаётган рақс усталарини аниқлаш. 2. Рақс усталарини уларнинг амалий фаолияти натижаларига кўра Филиал билан ҳамкорликка жалб этиб бориш.	доимий	–	Маданият вазирлиги (<i>О. Назарбеков</i>)
7	Филиалда ахборот ва мутахассисларнинг тажриба алмашувини йўлга қўйиш. Маҳорат дарслари ва махсус машғулотларни ўтказиш учун етакчи хорижий таълим ва илмий муассасаларнинг юқори малакали олимлари ва санъат арбобларини таклиф этиш.	1. Филиалнинг ахборот маълумотларини бойитиш мақсадида маҳаллий ва хорижий ахборот-ресурс марказлари билан ҳамкорликни йўлга қўйиш. 2. Етакчи турдош хорижий олий таълим муассасалари профессор-ўқитувчилари ва тажрибали мутахассисларининг маҳорат дарсларини ташкил этиш.	доимий	Маданият вазирлиги хузуридаги Маданият ва санъатни ривожлантириш жамғармаси маблағлари, юридик ва жисмоний шахсларнинг ҳомийлик	Маданият вазирлиги (<i>О. Назарбеков</i>)

		3. Конференция ва илмий семинарларга ҳамда илмий ишлар муҳокамаларига малакали олим ва санъат арбобларини таклиф этиш.		хайриялари	
8	Иш берувчилар кадрлар малакасига қўяётган талаблар ҳамда Филиалда мутахассис тайёрлаш дастурларининг ўзаро мувофиқлигини таъминлаш.	1. Иш берувчи ташкилотларнинг талабаларда амалий ва ижодий кўникмаларни шакллантиришдаги иштироки ва масъулиятини ошириш механизмини ишлаб чиқиш. 2. Филиалда самарадор маркетинг хизмати фаолиятини йўлга қўйиш. 3. Битирувчининг иш берувчилар қўяётган замонавий талабларга жавоб берадиган, меҳнат бозорида зарур бўлган билим, кўникма ва малакаларини акс эттирувчи малака талаб-мезонларини ишлаб чиқиш.	2021 йил август	–	Маданият вазирлиги (<i>О. Назарбеков</i>)
III. Филиалда таълим жараёни сифатини янада яхшилаш ва ўқитишнинг илғор услубларини жорий этиш					
9	Миллий рақс санъатини тарғиб этишда хорижий мамлакатлар билан ижодий тажриба алмашиш мақсадида ёш ва иқтидорли хореограф ҳамда санъатшунос олимларни хизмат сафарларига юбориш, уларга халқаро миқёсдаги илмий анжуманларда қатнашиш имконини яратиш.	1. Ёш ва иқтидорли хореограф ҳамда санъатшунос олимлар номзодларини саралаш механизмларини ишлаб чиқиш. 2. Саралаб олинган хореограф ва санъатшунос олимларни хорижий мамлакатларга касбий-ижодий тажриба алмашиш мақсадида хизмат сафарларига юбориш. 3. Халқаро миқёсдаги илмий-амалий анжуманларда қатнашиш учун зарур шарт-шароитлар яратиш.	2021 – 2022 йиллар	Маданият ва санъатни ривожлантириш жамғармаси маблағлари, юридик ва жисмоний шахсларнинг ҳомийлик хайриялари	Маданият вазирлиги (<i>О. Назарбеков</i>)
10	“Лазги” ижрочилиги тарғиботини амалга ошириш мақсадида шарқ халқлари мусиқа санъати намуналари ва етук намояндалари билан ҳамкорлик қилиш, маҳорат дарслари ва концерт дастурларини ўтказиш.	1. Хорижий давлатларнинг илмий-ижодий ва бадий жамоалари билан илмий-ижодий ҳамкорлик тўғрисида ўзаро манфаатли шартномалар тузиш. 2. Ҳамкорлик шартномалари асосида ижодий концерт дастурлари	Доимий	Ҳамкор ташкилотларнинг маблағлари, халқаро грантлар ва иштирокчиларнинг маблағлари	Маданият вазирлиги (<i>О. Назарбеков</i>)

		яратиш ҳамда уларни республика ва хорижий саҳналарда намойиш этиш. 3. Хорижий мамлакатларда “Лазги” ижро услубини кенг тарғиб қилиш ҳамда “Лазги” ансамблининг концерт дастурлари ва маҳорат дарсларини ташкил этиш.			
11	“Лазги” ривожига муносиб ҳисса қўшган устоз санъаткорлар ҳаёти ва ижодига доир оммабоп ва махсус илмий китоблар, нота тўпламлари ва аннотацияли нота альбомларни нашр этиш, бу борада турли конференция ва семинарлар ташкил қилиш.	1. Хоразмнинг устоз санъаткорлари ҳаёти ва ижодига доир маълумотларни тўплаш. 2. Оммабоп ва махсус илмий китоблар, нота тўпламлари ва аннотацияли нота альбомларини нашр этиш, шу борада турли таълим ва бошқа маданият муассасаларида конференция ва семинарлар ўтказиш.	2021 йилдан бошлаб доимий	Маданият вазирлиги ҳузуридаги Маданият ва санъатни ривожлантириш жамғармаси маблағлари, маҳаллий бюджет маблағлари	Маданият вазирлиги (О. Назарбеков), Хоразм вилояти ҳокимлиги (Ф. Эрманов)
IV. Филиалнинг моддий-техник базасини янада мустаҳкамлаш					
12	Филиалнинг моддий-техник базасини мустаҳкамлаш мақсадида уни зарур мебель, инвентарь, ускуна ҳамда рақсга оид турли махсус пойабзал ва либослар билан таъминлаш.	1. Мебель, инвентарь ва ускуналар рўйхатини шакллантириш ҳамда техник параметрларини ишлаб чиқиш. 2. Зарур жиҳозлар билан таъминлаш. 3. Ўқув машғулоти ва ижодий дастурлар намойиши учун зарур бўлган махсус рақс либослари ва пойабзалга бўлган эҳтиёжни аниқлаш. 4. Рақс либослари ва пойабзал билан таъминлаш.	2021 йил июль	Ажратилган бюджет ва бюджетдан ташқари маблағлар ҳисобидан	Маданият вазирлиги (О. Назарбеков)
13	Филиални ахборот-коммуникация технологиялари билан таъминлаш.	1. Ахборот-коммуникация технологияларига бўлган эҳтиёжни аниқлаш. 2. Эҳтиёждан келиб чиқиб, замонавий ахборот-коммуникация технологиялари билан таъминлаш.	2021 йил август	Ажратилган бюджет ва бюджетдан ташқари маблағлар ҳисобидан	Маданият вазирлиги (О. Назарбеков)

